



**Volumen Epistolarum, Qvas Romani Pontifices, Gregorius III., Stephanvs III., Zacharias I., Pavlvvs I., Stephanvs IV., Adrianvs et Pseudopapa Constantinus miserunt& reges Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ eiusdem Papæ, ad Domnum Carolvm Regem directæ, in qua continetur de Gente dudum perfida, scilicet Saxonum, qualiter Dominus ac redemptor noster per præfati regis laboriosa ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

temnere moliantur & foedare vestram sacram oblationem; sed sicut in partibus Tusciae ciuitates, id est, Suanam, Tuscanam, Biternum & Balneum Regis, caeteraque ciuitates, cum finibus & territoriis eorum, B. Petro offerentes condonastis, ita in eo modo, ciuitates in partibus Beneuentanis contradere nobis protinus faciatis, vt dum Missi vestri vestros susceperint regales firmissimos affatus, sine qualibet interposita dilatione, nobis eas contradere sub integritate valeant, vt nullus sit, qui possit extinguere vestrum illibatum sacrificium, sed hoc lucri potissimum praemium adquirentes dignè mereamini vna cum spiritali nostra filia, Domna Regina, vestraq; nobilissima subole in aethereis sine fine regnare arcibus. Incolumem Excellentiam vestram gratia superna custodiat.

*Item exemplar Epistola eiusdem Papa, ad  
Domnum Carolum Regem directa, in qua continetur de Gen-  
te dudum perfida, scilicet Saxonum, qualiter Dominus ac re-  
demptor noster per praefati regis laboriosa certamina, ad Dei  
cultum sua Catholica & Apostolica Ecclesiae rectitudinem fi-  
dei, seu ad sacrum Baptismatis fontem vsq; perduxisset,  
& de Letaniis, & de ieiuniis, & orationibus  
pro huiuscemodi re.*

## XCI.

*Summ. 44.  
Bar. &  
Cens.*

**D**OMNO excellentissimo filio, nostroq; spiritali Compatri Carolo, Regi Francorum, & Langobardorum, atque patricio Romanorum, Adrianus Papa. Praestolatos nimisq; nobis optabiles regales vestros suscepimus affatus, per fidelissimum vestrum latorem atq; Missum; videlicet Andream, religiosum Abbatem, quos referantes reperimus  
in



in eis, de vestra præcellæ regalis potentia & comparis subolisq; vestra, seu cunctorum præcipuorum vestrorum, nostrorumq; fidelium sospitate & incolumi ac sincerissima prosperitate, in quibus Redemptori mundi consuetas retulimus grates; magis autem inibi de vestris à Deo præfidiatis regalibus triumphis comperientes, qualiter sæuas aduersasq; gentes, scilicet Saxonum, ad Dei cultum, & suæ sanctæ Catholicæ & Apostolicæ Ecclesiæ rectitudinem fidei, perduxeritis, atq; Domino auxiliante, & Petri Paulique Apostolorum principum interuentione suffragante, sub vestra eorum colla redacta sunt potestate ac ditione, eorumque optimates subiugantes diuina inspiratione, regali animu, vniuersam illam gentem Saxonum ad sacrum deduxistis Baptismatis fontem.

Vnde nimis amplius diuinæ clementiæ retulimus laudes, quia nostris vestrisque temporibus gentes paganorum in veram & magnam deductæ religionem, atque perfectam fidem, vestris regalibus substernuntur ditionibus, in hoc quippe freta vestra à Deo fundata existat potentia, quia si, vt pollicita est fautori suo, beato Petro Apostolo, & nobis, puro corde atque libentissimo animo adimpleuerit, maximas ac robustiores illarum gentium, suis præcipuis suffragiis, vestris substernet pedibus, vt, nemine eos persequente, vestris regalibus subiiciantur potentiis, & maximum fructum in die iudicij, ante tribunal Christi, de eorum animarum salute, offerre mereamini dignissimum \* vnus, & pro amore ani-<sup>\*munus.</sup> marum lucra infinita mereamini adipisci in regno cœlesti.



Illud autem, quod vestra regalis intimauit Excellentia, vt in vno Mense, vel in vna die, pro huiuscemodi operibus, scilicet stabilitatis vestrae victoria, laudes Deo gerentes caneremus, & vna vel duabus feriis Letanias perageremus, valde hoc nobis delectabile existit, quatenus Apostolica exarantes censura decreuimus, in omnibus nostris partibus, quae sub ditione spiritalis matris vestrae, sanctae Romanae Ecclesiae existunt, ilico celebrari easdem vna nobiscum, disponentes emisimus, Domino protegente, videlicet vicesima tertia die & vicesima sexta, atque vicesima octaua huius aduentantis Iunij Mensis, quae sunt in primis Vigiliae beati Iohannis Baptistae, & Natalis sanctorum Iohannis & Pauli, nec non & Vigiliae B. Petri Apostoli, similiter & vestra regalis potentia in suis dirigat vniuersis finibus seu traesmarinis partibus, vbi Christiana moratur gens similiter perficiendas triduanae Letanias, & ideo tale protelatum emisimus spacium, propter tam longinquas Christianas nationes vltra vestrum regale morantes regnum. Nos quippe non solum vnam vel duas, vt nobis insinuastis, celebrandas Letanias prauidimus, sed etiam pro vestra, vt soliti sumus indefinenter orare excellentia cupientes, decreuimus perficere, & redemptori mundi canere laudes, vt ipsae gentes, quae per vestrum regale certamen, ad Christianam perductae sunt fidem vsque in aeuum per vestrum maneant adminiculum, & nostris vestrisque finibus, omnes repelli faciat aegritudinis morbos, & procul eiiciat pestilentiam, vt nostris vestrisque diebus populus nobis a Deo commissus in magna degentes vbertatis affluentia, simulque sincerissimae sospitatis laetitia longiori aeuo, vna cum Domna Regina, vestraque nobilissima prole mereamini re-



ni regni gubernacula perfrui, & in æthereis arcibus sine fine regnare, vt per vestra laboriosa certamina magis magisque spiritualis mater vestra, sancta Romana Ecclesia, maneat exaltata. Incolumem excellentiam vestram gratia superna custodiat.

*Item exemplar Epistole eiusdem Papa, ad*

*Domnum Carolum Regem directa, in qua continetur de Missis Græcorum cum* \* diucitin, id est, dispositore Sicilia, post re-  
*uersionem Attonis Diaconi, Missi Domni Regis à Beneuento,* \* Dioceta  
 διοικητης,  
 admini-  
 strator  
*sum relicta Arichisi ducis conciliati sunt, qualiter Ducatum Beneuentanum à potestate prædicti Regis per insidias substrahere potuissent.*

## XCII.

**O**MNIO excellentissimo filio, nostroque spiri-  
 tali Compatri Carolo, Regi Francorum &  
 Langobardorum, atque Patricio Romano-  
 rum Adrianus Papa. Meminit vestra à Deo promota  
 regalis excellentia qualiter ad nos emisit fidelissimos  
 Missos, scilicet Attonem, religiosum Diaconum, &  
 Goteramnum magnificum Ostiarium, & post tergum  
 eorum ad nos venerunt; videlicet, Maginarius reli-  
 giosus Abbas, & religiosus Ioseph Diaconus qui nobis  
 fideliter intimauerunt ea, quæ illis iniuncta habuit ve-  
 stra prærectissima regalis potestas, vt secundum no-  
 strum Apostolicum consilium; in partibus Beneuen-  
 tanis, ita peragerent, qui in nostri præsentia residentes  
 prænominati quatuor Missi, id est, Maginarius religio-  
 sus Abbas, Atto & Ioseph religiosi Diaconi, atque Go-  
 teramnus magnificus Ostiarium, dum adhuc minimè

Summ. 23.  
 Bar. 63  
 Gent.